



REPUBLIKA E KOSOVËS
Komuna e Drenasit (Glllogocit)



Kuvendi i Komunës
Nr. 553-912 dt 08.01 2016

Në bazë të nenit 11,12 dhe 40 të Ligjit nr. 03/L – 040 për vetëqeverisjen lokale, të nenit 34.pika 34.6, të Statutit të Komunës të Komunës së Drenasit, të datës 16.09.2008, Kuvendi i Komunës së Drenasit nw mbledhjen e rregullt te mbajtur me dt.29.12.2015 miratoi këtë:

RREGULLORE PËR
NDARJEN E BURSIVE PËR STUDENTË TË KOMUNËS SË DRENASIT

I. DISPOZITAT E PËRGJITHSHME

Neni 1.

Me këtë rregullore përcaktohen kushtet, kriteret, kohëzgjatja e realizimit të bursës, dhe procedura për ndarjen e bursave për studentë/e të Komunës së Drenasit, të cilët studiojnë në universitete publike të Republikës së Kosovës.

Neni 2.

Komuna e Drenasit, do ti ndaj nga 50 (pesëdhjetë) euro për një muaj, dhe për dhjetë muaj do ti ndaj gjithësej: 500 euro, për student/e të rregullt të Komunës së Drenasit.

Neni 3.

1. Të gjithë studentët/et e rregullt, banorë të komunës së Drenasit, pa kurrfar dallimesh etnike, gjinore, racore, fetare dhe politike, që janë të regjistruar në fakultete të Universiteteve Publike të Republikës së Kosovës, duke përjashtuar studentët/et në studime pasuniversitare – master dhe doktoratë, kanë të drejtë të konkurrojnë për ndarjen e bursave të studimeve.
2. Përparësi në fitimin e së drejtës në bursë do të kenë studentët/et që studiojnë në lëmenjtë deficitarë.

Neni 4.

Kryetari i Komunës merr vendim për numrin e bursave, që do të ndahen sipas fushave të studimeve, e që ndahet për një vit akademik - shkollor.

Neni 5.

1. Bursat për student/e do të ndahen nga Komisioni, i formuar me vendim të Drejtorit për Arsim në Komunën e Drenasit,
2. Komisioni do të jetë i përbërë nga 3 anëtarë, dy anëtar nga Drejtoria për Arsim dhe një antar i Kuvendit të Komunës.

Neni 6.

1. Drejtoria e Arsimit do të shpallë konkursin për ndarjen e bursave. Konkursi duhet të jetë i shpallur në mjetet e informimit, përkatësisht në dy gazeta ditore, në web-faqen e Komunës, në tabelën e shpalljeve, dhe do të qëndrojë i shpallur për 15 ditë.
2. Në konkurs do të përcaktohet dokumentacioni i kërkuar dhe informatat tjera të nevojshme.

Neni 7.

Drejtoria e Arsimit obligohet që t'i kryejë punët e domosdoshme tekniko-administrative që rrjedhin nga natyra e punës së Komisionit, si dhe punët rreth shpalljes së konkursit, pranimit të kërkesave, formulimit të kontratave e të ngjashme.

II. KUSHTET DHE KRITERET

Neni 8.

1. Për realizimin e së drejtës në bursë, kandidatët /et duhet t'i plotësojnë kushte si në vijim:
 - 1) Të kenë të regjistruar vitin akademik për të cilin jepet bursa;
 - 2) Të mos jenë shfrytëzues/e të ndonjë burse tjetër ose të punësuar;
 - 3) Bursa të jipet studenteve prej vitit të dytë deri tek apsulventet;
 - 4) të paraqesin dëshmi për gjendjen ekonomiko-sociale të familjes.
2. Gjendja ekonomiko-financiare e familjes së kandidatit/es vërtetohet në bazë të dëshmive të lëshuara nga Qendra për Punë Sociale në Drenas. Komisioni ruan të drejtën të hulumtojë dhe vërtetojë gjendjen reale ekonomiko-financiare të kandidatit/es.

III. KRITERET DHE PËRPARËSITË

Neni 9.

Për suksesin e arritur në mësimet në vitin paraprak, kandidati/ja vlerësohet me pikë si në vijim:

- a) studenti/ja me notë mesatare nga nota 9 (nëntë) e më lartë, vlerësohet më 30 pikë;
- b) studenti/ja me notë mesatare nga nota 8 (tetë) e më lartë, vlerësohet më 20 pikë,
- c) studenti/ja me notë mesatare nga nota 7,5 (shtatë e gjysëm) e më lartë, vlerësohet më 15 pikë;
- d) studenti/ja në asistencë sociale, vlerësohen më 20 pikë;
- e) studenti/ja me studime në lëmenjtë deficitarë (1. Fakulteti i Edukimit – Programi Fillor, 2. a) Fakulteti i Arteve të Bukura – dega e artëve muzikore, b.) Programi pedagogji e përgjithshme muzikore, 3. Fakulteti Teknikë, 4. Fakulteti i Mjeksisë), vlerësohet më 5 pikë;

- f) studenti/ja që studiojnë së bashku më një anëtar/e nga e njëjta familje (vlla, motër), vlerësohet më 10 pikë;
- g) studenti/ja, i cili nuk i ka prindërit në jetë dhe është mbajtës i familjës, vlerësohen më 10 pikë;
- h) studenti/ja më aftësi të kufizuar vlerësohet më 10 pikë.
- l) student, fëmijë të dëshmoreve do të jenë përfitues të bursës komunale nëse i plotësojnë vetëm kriteret nga pika 1,2,3 e nenit 8 të kësaj rregullore.

Neni 10.

Në kushtet dhe kriteret e njëjta të cekura në nenin 9, do të kenë përparësi studentët e viktimave civile të luftës, të veteranëve, të invalidëve të luftës, të gjinisë femërore.

IV. VLERËSIMI I KUSHTEVE DHE KRITEREVE

Neni 11.

Pas skadimit të afatit të konkurrimit, komisioni do të bëjë vlerësimin e kërkesave. Gjatë procedurës së vlerësimit të kërkesave, komisioni do të përcaktojë metodën e punës dhe mënyrën e seleksionimit të kërkesave, gjithnjë duke u bazuar në kushtet dhe kriteret e përcaktuara në këtë rregullore.

Neni 12.

1. Pas përfundimit të procedurës së seleksionimit, komisioni do të hartojë listën përgjithshme të kandidatëve/eve përfitues/e të bursës.
2. Lista e përfituesve do të shpallet publikisht dhe do të vendoset në tabelën e shpalljeve të Drejtorisë së Arsimit.

Neni 13.

1. Kundër vendimit për shpalljen e listës së përfituesve të bursave nga Komisioni për ndarjen e bursave, lejohet ankesa, e cila i drejtohet Komisionit të ankesave, i formuar “ad hoc” me vendim të Kryetarit të Komunës. Ankesa ushtrohet në afat prej 7 ditëve nga dita e shpalljes së listës së përfituesve të bursave nga ana e komisionit.
2. Komisioni për shqyrtimin e ankesave, në afat prej 15 ditësh duhet të vendosë lidhur me ankesën e ushtruar.

Neni 14.

1. Me përfituesit/et e bursave do të lidhet kontrata, e cila do të nënshkruhet nga Drejtori për Arsim dhe përfituesi/ja i bursës.
2. Nëse nuk nënshkruhet kontrata nga ana e studentit/es brenda afatit prej 30 ditëve nga dita e njoftimit të kandidatit/es përfitues/e të bursës, do të konsiderohet se ka hequr dorë nga bursa dhe përfitues do të jetë kandidati që është në listë sipas radhës.
3. Kohëzgjatja për dhënien e bursës, obligimet e përfituesit/es të bursës dhe kushtet tjera, do të përcaktohen me kontratë.

V. PROCEDURA E PAGESËS

Neni 15.

1. Mjetet financiare do të alokohen me 1 (një) ose 2 (dy) periudha të caktuara gjatë vitit fiskal në xhirollogaritë bankare të përfituesve, në bankën të cilën studenti/ja e ka përzgjedhur.
2. Drejtoria kompetente për Financa dhe Drejtoria kompetente për Arsim, janë të obliguara të kujdesen për alokimin dhe zotimin e mjeteve të cekura më lart, në afatin kohor.

VI. DISPOZIATA SHFUQIZUESE DHE TË HYRJES NË FUQI

Neni 16.

Me hyrjen në fuqi të kësaj rregulloreje, pushon të vlejë akti i Komunës që ka rregulluar kushtet dhe kriteret për ndarjen e bursave.

Neni 17.


Kjo rregullore mund të ndryshohet më procedurë të njëjtë me atë të miratimit.

Neni 18.

Kjo rregullore hyn në fuqi 8 ditë nga dita e publikimit të saj në tabelën e shpalljeve dhe në web-faqen e Komunës së Drenasit.



Kryesuesi i Kuvendit të Komunës


Naim Bazaj